

# ADECURE SYRUP

Methadone Hydrochloride (5mg/ml)

## Apakah yang ada pada risalah ini

1. Apakah kegunaan Adecur Syrup 5mg/ml
2. Bagaimana Adecur Syrup 5mg/ml berfungsi
3. Sebelum menggunakan Adecur Syrup 5mg/ml
4. Cara menggunakan Adecur Syrup 5mg/ml
5. Semasa menggunakan Adecur Syrup 5mg/ml
6. Kesan-kesan sampingan
7. Cara penyimpanan dan pelupusan Adecur Syrup 5mg/ml
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Adecur Syrup 5mg/ml

Methadone Hydrochloride adalah kandungan aktif Adecur Syrup 5mg/ml.

Ia diindikasikan untuk rawatan detoksifikasi atau rawatan pengekalan penagihan narkotik.

## Bagaimana Adecur Syrup 5mg/ml berfungsi

Adecur Syrup mengandungi Methadone Hydrochloride sebagai bahan aktif. Ia tergolong dalam kumpulan ubat-ubatan yang dipanggil opioid.

Tanya doktor anda jika anda mempunyai sebarang soalan mengenai mengapa ubat ini dipreskrib untuk anda. Doktor anda mungkin mempreskrib ubat ini untuk sebab yang lain.

## Sebelum menggunakan Adecur Syrup 5mg/ml

### - Bila tidak boleh menggunakan

- Jika anda hipersensitif terhadap Methadone Hydrochloride atau bahan-

bahan lain dalam Adecur Syrup 5mg/ml.

- Jika anda mempunyai depresi respiratori (pernafasan yang sangat perlahan, cetek), penyakit obstruktif saluran udara (penyakit paru-paru atau mana-mana penyakit yang menyebabkan kesukaran bernafas), kolitis ulceratif (radang gangguan usus) atau fungsi hati terjejas yang teruk.
- Jika anda sedang mengambil atau telah mengambil dalam dua minggu yang lepas, ubat-ubatan untuk kemurungan dikenali sebagai *Monoamine Oxidase Inhibitors* (MAOIs).
- Jika anda menghadapi serangan asma akut, alkoholisme akut (mabuk disebabkan penggunaan berlebihan minuman keras), risiko ileus kelumpuhan (sembelit teruk atau sebarang halangan di dalam usus) atau peningkatan tekanan intrakranial (peningkatan tekanan di sekitar otak) atau kecederaan kepala.

## Sebelum menggunakan Adecur Syrup 5mg/ml

Anda mesti beritahu doktor anda jika:

- Anda alergi terhadap mana-mana ubat-ubatan yang diambil sebelum ini untuk merawat keadaan sekarang.
- Anda hamil, merancang untuk hamil atau menyusu.
- Anda mempunyai keadaan asma dan masalah pernafasan.
- Anda mempunyai kecederaan kepala dan peningkatan tekanan intrakranial.

- Anda mempunyai masalah keimbangan.
- Anda perlu memandu atau mengendalikan jentera.
- Anda mempunyai penyakit perut akut.
- Anda kebergantungan kepada dadah yang lain.
- Anda mempunyai penyakit tekanan darah rendah.
- Anda adalah pesakit tua atau lemah.
- Anda menghadapi kemerosotan buah pinggang atau hati.
- Anda mempunyai masalah kelenjar tiroid atau kelenjar pituitari.
- Anda mempunyai masalah prostat.
- Anda mempunyai *urethral stricture* (penyempitan saluran kencing).

## Jika mengambil ubat-ubat lain

Sila beritahu doktor atau ahli farmasi anda sekiranya anda sedang mengambil mana-mana ubat beikut;

- Depresan-depresan sistem saraf pusat yang lain seperti *narcotic analgesics*, *phenothiazines*, penenang lain, *sedative-hypnotics*, *tricyclic antidepressants*, dan alkohol.
- *Pentazocine*, ubat digunakan untuk merawat kesakitan jenis sederhana hingga serius, termasuk sebelum pembedahan dan anesthesia.
- *Rifampin*, ubat yang digunakan untuk merawat jangkitan.
- *Monoamine Oxidase Inhibitors*
- *Naloxone*, ubat-ubatan yang digunakan untuk menterbalikkan kesan-kesan dadah yang digunakan

- semasa pembedahan atau untuk merawat kesakitan.
- *Naltrexone*, ubat untuk merawat ketagihan dadah narkotik atau alcohol.
- *Antiviral*, ubat untuk merawat jangkitan virus.
- *Narcotic antagonist*, *antagonist* digunakan untuk menyeimbangkan kesan-kesan narkotik (terutamanya untuk mengatasi kemurungan pernafasan)

Sila beritahu doktor atau ahli farmasi anda sekiranya anda sedang mengambil mana-mana ubat, termasuk tonik herba, pelengkap tambahan dan ubat yang dibeli tanpa preskripsi.

#### **Cara menggunakan Adecur Syrup 5mg/ml**

Adecure Syrup 5mg/ml hendaklah diberikan setiap hari di bawah pengawasan rapat.

- **Berapa banyak harus digunakan Untuk rawatan detoksifikasi:**  
Dos permulaan ialah 15 hingga 20mg setiap hari.

Dos ini boleh diselaraskan oleh doktor bergantung kepada keadaan anda.

Jangan mengambil lebih daripada dos yang disyorkan.

Tanya doktor atau ahli farmasi anda jika anda tidak pasti dos yang betul untuk anda. Mereka akan memberitahu anda dengan tepat berapa banyak untuk mengambil.

Adecure Syrup tidak digalakkkan untuk digunakan pada kanak-kanak.

#### ***Bagi pesakit-pesakit hamil:***

Sila berjumpa dengan doktor sebelum bermula menggunakan Adecur Syrup jika anda mengandung, merancang untuk mengandung, menyusukan anak atau berniat untuk menyusukan anak. Doktor anda akan

menimbang risiko anda mengambil Adecur Syrup terhadap manfaat yang mungkin berlaku terhadap anda.

#### **Bila perlu digunakan**

Iikut arahan doktor atau ahli farmasi anda.

#### **Berapa lama perlu digunakan**

Jangan berhenti mengambil ubat ini atau menukar dos tanpa arahan daripada doktor anda.

Doktor anda mungkin akan mengurangkan jumlah yang anda mengambil dengan beransur-ansur sebelum berhenti sepenuhnya untuk mengurangkan kesan sampingan selepas berhenti yang mungkin berlaku.

#### **Jika terlupa menggunakan**

- Sekiranya anda terlupa satu dos, ambil dos itu dengan segera sebaik sahaja teringat.
- Tetapi, sekiranya telah hampir masa untuk dos berikutnya, abaikan dos yang terlepas.
- Jangan mengambil dos berganda untuk menggantikan dos yang dilupa.

#### **Jika mengambil berlebihan (terlebih dos)**

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa telah terambil dos berlebihan.

Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Mengambil terlalu banyak Adecur Syrup boleh menyebabkan

- Kesukaran bernafas
- Somnolen (mengantuk) mungkin menjadi koma
- Anak mata menjadi kecil

- Kelembikan pada rangka otot (kekurangan tonus otot)
- Kulit sejuk dan lembap
- *Bradycardia* (mengurangkan kadar jantung)
- *Hypotension* (tekanan darah rendah)
- *Apnea* (masalah pernafasan)
- Kegagalan peredaran darah
- Serangan jantung
- Kematian

#### **Semasa menggunakan Adecur Syrup 5mg/ml**

- **Perkara yang perlu dilakukan**  
Hubungi doktor sekiranya simptom-simptom anda menjadi lebih teruk atau tidak bertambah baik.

Jika anda menjadi hamil semasa mengambil Adecur Syrup 5mg/ml, sila beritahu doktor anda.

#### **Perkara yang tidak boleh dilakukan**

Jangan berikan Adecur Syrup 5mg/ ml kepada orang lain, walaupun mereka mempunyai simptom atau keadaan yang sama seperti anda.

Doktor anda telah mempreskrib Adecur Syrup 5mg/ml untuk anda dan keadaan anda.

#### **Perkara yang perlu diberi perhatian**

Berhati-hati semasa memandu atau mengendalikan jentera sehingga anda tahu bagaimana Adecur Syrup 5mg/ml mempengaruhi anda.

#### **Kesan-kesan sampingan**

Seperti ubat-ubat lain, Adecur Syrup 5mg/ml mempunyai kesan sampingan walaupun bukan semua akan mendapatnya. Kesan-kesan sampingan berikut mungkin akan terjadi dengan ubat ini:

**KESAN BAHAYA UTAMA  
METHADONE ADALAH  
DEPRESI RESPIRATORI,  
KEGAGALAN PEREDARAN**

**DARAH, KEJUTAN PERNAFASAN DAN SERANGAN JANTUNG.**

Paling biasa: kepenigan, sedasi, loya, muntah dan berpeluh.

Lain-lain:

- Sistem saraf pusat: euphoria (rasa sangat gembira), disforia (sedih), kelemahan, sakit kepala, insomnia, agitasi, disorientasi, gangguan penglihatan, tekanan intrakranial meningkat.
- Gastrointestinal (perut dan usus): mulut kering, anoreksia (hilang selera makan), sembelit, kekejangan saluran biliar.
- Kardiovaskular: muka merah, bradikardia (kadar jantung perlahan), palpitasi (degupan jantung secara tidak teratur, keras atau pantas), rasa pengsan, syncope (pengsan), hipotensi (tekanan darah rendah).
- Genito-urinary: retensi atau hesitancy urinari, kesan antidiuretik (kurang pengeluaran air kencing), mengurangkan libido (nafsu seks) dan/atau potensi.
- Alergi: pruritus (gatal), urtikaria (sejenis ruam), ruam-ruam kulit lain, edema (bengkak) dan jarang urtikaria pendarahan (erupsi kulit yang dicirikan dengan pendarahan pada gelang).

Berbincang dengan doktor atau ahli farmasi anda jika anda ragu-ragu atau memerlukan maklumat lanjutan.

Sekiranya mana-mana kesan sampingan menjadi serius, atau anda mengalami kesan sampingan yang tidak disenaraikan dalam risalah ini, sila beritahu doktor atau ahli farmasi anda.

Anda boleh melaporkan sebarang kesan sampingan atau kesan advers terus kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web [portal.bpfk.gov.my](http://portal.bpfk.gov.my) (*Consumers→Reporting*)

**Cara penyimpanan dan pelupusan Adecur Syrup 5mg/ml**

- Penyimpanan

Jangan guna selepas tarikh tamat tempoh yang dinyatakan pada bungkus. Tarikh tamat tempoh merujuk kepada hari terakhir bulan tersebut.

Adecure Syrup 5mg/ml perlu disimpan dalam bekas tertutup di bawah suhu 25°C. Lindungi daripada cahaya, kepanasan dan kelembapan.

**Jauhi dari kanak-kanak.**

- Pelupusan

Ubat-ubatan tidak seharusnya dilupuskan melalui sisa air atau sisa isi rumah. Tanya ahli farmasi anda cara-cara pelupusan ubat-ubatan yang tidak lagi diperlukan. Langkah-langkah ini akan membantu melindungi alam sekitar.

**Maklumat lanjut**

- Rupa dan warna produk

Sirap ini adalah cecair berwarna merah. Ia dibekalkan dalam botol plastik 1L.

- Bahan-bahan Kandungan

- Bahan aktif  
Setiap ml sirap mengandungi 5mg bahan aktif, *Methadone Hydrochloride*.

- Bahan tidak aktif

Bahan-bahan kandungan lain termasuklah *sodium citrate*, *citric acid hydrate*, *sodium benzoate*, *sucrose suspension grade*, *ponceau 4R* dan *propylene glycol*.

- Nombor MAL

MAL09100270AZ

**Pengilang dan Pemegang Pendaftaran Produk**

Malaysian Pharmaceutical Industries Sdn Bhd.  
Plot 14, Lebuhraya Kampung Jawa, 11900 Bayan Lepas, Pulau Pinang, Malaysia.

**Tarikh kemaskini RiMUP**

20/11/2015

**Nombor Siri:**

BPFK(R4/1)191115/00442